

raichten Herrschafft/vñ Flegthen der Windischen March/Meet-
ling/Ysterreich vnd Karst/habenden Freyhaiten/wodie hiewi-
der in ain/oder mer weeg gestellt wäre/on allen schaden vnd nach-
tail sein/alles genediglich/vnd vnguerde.

Vnd emphelhen darauf/den Erwürdigen vnd Edlen/Ersamē/
Geistlichen/vnnsern Andechtigen/vnnd Lieben Getrewen/n/ allen
vnd jeglichen Ständen/gemainer Landtschafft vnnsers Für-
stenthumbs Crain/vnd sonderlich gegenwürtigen vnd künfftigen
vnsern Landtschawtleüten/Verwesern/Visdomben/Phlegern/
auch sonnst allen vnnsern vnd andern Ambleüten/vnd getrewen
Vnderthanen vnd wellen/das Ir diser obgeschribner vnnsere auf-
gerichteten Landtgerichts ordnung in albeg nachkomet vnd darob
haltet/auch vnnsern vnd andern Landttrichtern so oft solchs die
nordurfft ernordert/vnd Sy von jnen derhalben ersuecht/vnd an-
gelangt werden/hilff/Rat/vnd Beystanndt erzaiget vnd darann
seyet damit die gemelten Landttrichter von meniglichen Zerlichn
vnd gepürlichen gehalten/auf das/das vbl gedachter vnnsere Land-
gerichts ordnung nach/desten statlicher allennthalben gestrafft/
hierinnen nyemannts vbersehen/Vnd das Landt vor dergleichen
Malefiz personen geräumt mög werden/vnd dawider selbst nit
handlet/nach yemannds andern zethün gestattet/in thainen
weeg/Bey vermeidung vnser schwärn vngnad vnd straff/das mai-
nen Wir ernstlich. Mit vtrhundert disz Brieffs/Besiglt mit vnns-
serm anhangunden Insigl. Geben in vnnsere Statt Wienn/
am Achzehenden tag des Monats Februarij. Nach Cristi gepurt/
Fünffzehenhundert vnnd im Fünffunddreißigsten/Vnnsere
Reiche des Römischen im Fünfften/vnd der andern im Neümdtten
Jaren.

Commissio domini
Regis in Consilio.